

ხელშეკრულება № 30-01
სახელმწიფო შესყიდვის შესახებ

თბილისი

30.01 2015 წელი

საქართველოს კულტურისა და ძეგლთა დაცვის სამინისტრო, შემდგომში წოდებული „შემსყიდველად“, წარმოდგენილი მინისტრის მოადგილის გიორგი ბაქრაძის სახით, და შპს „კავკასუს ონლაინი“, შემდგომში წოდებული „მიმწოდებელად“, წარმოდგენილი მისი კომერციული დეპარტამენტის უფროსის სოფო კიზირიას სახით, მოქმედნი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
2. მიმწოდებელი იღებს ვალდებულებას კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები.
3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება, ხელშეკრულების პირობებში ასახულ ვადებში და ფორმით.
4. „მხარე“ ნიშნავს შემსყიდველს და მიმწოდებელს.
5. „მხარეები“ ნიშნავს შემსყიდველს და მიმწოდებელს ერთად.

ყოველივე ზემოაღნიშნულის დასტურად მხარეებმა გააფორმეთ წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი - საქართველოს კულტურისა და ძეგლთა დაცვის სამინისტრო

მიმწოდებელი - შპს „კავკასუს ონლაინი“

მუხლი 1. გამოყენებული ტერმინების განმარტებები

1.1 „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – ნიშნავს შემსყიდველსა და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ ნიშნავს წინამდებარე ხელშეკრულების მე-4 მუხლის 4.1 პუნქტში მითითებულ თანხას, რომელიც შემსყიდველმა უნდა გადაიხადოს მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის.

1.3 „შემსყიდველი ორგანიზაცია“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით შესყიდვის განმახორციელებელ პირს.

1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.

1.5 ინტერნეტი - გლობალურ კომპიუტერულ ქსელთან კავშირი;

1.6 მომსახურება/ინტერნეტ-მომსახურება/შეკვეთილი მომსახურება - შემსრულებლის მიერ დამკვეთისათვის შეკვეთის ფორმით განსაზღვრული Caucasus Link ინტერნეტის, aDSL ინტერნეტის ან/და Radio ინტერნეტის მიწოდება;

1.7 შეკვეთის ფორმა - ამ ხელშეკრულების დანართი, რომლითაც განისაზღვრება შემსყიდველის მიერ შეკვეთილი ინტერნეტ-მომსახურების სახე, ძირითადი მახასიათებლები და ანგარიშსწორების პირობები;

1.8 Caucasus Link ინტერნეტი - ოპტიკურ-ბოჭკოვანი ქსელის (მათ შორის, ე.წ. FTTP (fiber-to-the-premises) პრინციპით მოწყობილი ქსელი) მეშვეობით მიწოდებული ინტერნეტი;

1.9 aDSL ინტერნეტი - სატელეფონო საბოწინებო სპილენძის წყვილების ფართოზოლოვანი რესურსის მეშვეობით მიწოდებული ინტერნეტი;

1.10 Radio ინტერნეტი - რადიოსიხშირული დიაპაზონისა და Radio ინტერნეტ-მომსახურების აპარატურის მეშვეობით მიწოდებული უკაბელო ინტერნეტი;

1.11 Wi-Fi - მომსახურების ფარგლებში მიწოდებული ლოკალური უკაბელო ინტერნეტი;

1.12 ინტერნეტ-მომსახურების აპარატურა - ინტერნეტ-მომსახურების მისაწოდებლად საჭირო მოდემი, მარშრუტიზატორი, სვიჩი ან/და სხვა მოწყობილობები, კერძოდ, Caucasus Link აპარატურა, aDSL აპარატურა, Radio აპარატურა და Wi-Fi აპარატურა;

1.13 ინსტალაცია - მიმწოდებლის მიერ შემსყიდველის შიდა ქსელში ინტერნეტ-მომსახურების აპარატურის მონტაჟი და შემსყიდველისთვის შეკვეთილი მომსახურების გაწევის დაწყება;

1.14 სადემარკაციო წერტილი - ადგილი, სადაც შემსყიდველის შიდა ქსელი უერთდება მიმწოდებლის საერთო საკომუნიკაციო ქსელს და, სადაც ხდება შემსყიდველსა და მიმწოდებლის ვალდებულებების გამიჯვნა. ორაზროვნებისა და გაუგებრობის თავიდან ასაცილებლად, ინტერნეტ-მომსახურების აპარატურა მდებარეობს სადემარკაციო წერტილიდან შემსყიდველის მხარეს, შემსყიდველის შიდა ქსელში;

1.15 მენეჯერი - შემსრულებლის ერთ-ერთი მენეჯერ-თანამშრომელი, რომელიც შემსყიდველთან ურთიერთობაში მოქმედებს მიმწოდებლის სახელით;

1.16 სამუშაო საათები - დროის პერიოდი ორშაბათიდან პარასკევის ჩათვლით (გარდა უქმე დღეებისა), თბილისის დროით დილის 9-დან საღამოს 6 საათამდე;

1.17 საანგარიშო პერიოდი - კალენდარული თვე;

1.18 ინდივიდუალური შეტყობინება - შეკვეთის ფორმით განსაზღვრულ შემსყიდველის საკონტაქტო მონაცემებზე მიმწოდებლის მიერ გადაცემული წერილობითი შეტყობინება, ასევე, მომხმარებელთა უფლებების დაცვის რეგლამენტით განსაზღვრული ინდივიდუალური შეტყობინების სხვა ფორმა;

1.19 მომხმარებელთა უფლებების დაცვის რეგლამენტი - საქართველოს კომუნიკაციების ეროვნული კომისიის მიერ 2006 წლის 17 მარტის დადგენილება #3-ით დამტკიცებული ელექტრონული კომუნიკაციების სფეროში მომსახურების მიწოდებისა და მომხმარებელთა უფლებების დაცვის შესახებ რეგლამენტი;

მუხლი 2. ხელშეკრულების საგანი და მომსახურების გაწევის პირობები

2.1 საგანი

2.1.1 წინამდებარე ხელშეკრულების საგანია შემსყიდველის მიერ მიმწოდებლისაგან ხელშეკრულების ღირებულების ფარგლებში (CPV72400000) ინტერნეტ მომსახურების შესყიდვა წინამდებარე ხელშეკრულების დანართი №1-ის შესაბამისად.

2.1.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრულ ვადებში და ფორმით.

2.1.3 შეკვეთის ფორმაში მოცემული ცხრილის თითოეულ ჰორიზონტალურ რიგში მითითებული მახასიათებლების მქონე მომსახურება არის ამავე ცხრილის სხვა ჰორიზონტალურ რიგში მოცემული მომსახურებისგან დამოუკიდებელი.

2.1.4 მიმწოდებელი შემსყიდველის, მომსახურების გაწევის მიზნით, დროებით სარგებლობაში გადასცემს მის კუთვნილ ინტერნეტ-მომსახურების აპარატურას. ამასთან, Wi-Fi აპარატურა, შესაძლოა, ეკუთვნოდეს შემსყიდველს.

2.1.5 Caucasus Link ინტერნეტისთვის მიმწოდებლის სერვერზე განთავსებული რესურსებიდან პაკეტის გადაცემის დაყოვნება (Round-trip-delay), ანუ დრო, რომელიც სჭირდება მიმწოდებლის სერვერიდან შემსყიდველის IP მისამართზე სიგნალის გაგზავნას და სიგნალის მიღების შესახებ პასუხის უკან მიღებას, შეადგენს არაუმეტეს 250 მლ/წმ-ს.

2.1.6 aDSL ინტერნეტის მიწოდებისათვის შემსყიდველს აუცილებლად უნდა ჰქონდეს ფიქსირებული ქსელების ტელეფონის ნომერი ან უახლოესი სატელეფონო სადგურიდან/კომუტატორიდან ჰქონდეს მიყვანილი სატელეფონო წყვილი იმ ადგილამდე სადაც სურს aDSL ინტერნეტის მიღება. ამასთან, არ არის აუცილებელი შემსყიდველი იყოს მიმწოდებლის სატელეფონო მომსახურების მიმღები აბონენტი.

2.1.7 Radio ინტერნეტის მიწოდება ხორციელდება უკაბელოდ, რადიოსიხშირული დიაპაზონისა და რადიოსიხშირული ტალღების მიმღები მოწყობილობის - Radio აპარატურის, მეშვეობით.

2.1.8 ინტერნეტ-მომსახურების მიწოდებისას მიმწოდებელი უზრუნველყოფს პორტების გახსნილობას. მიმწოდებელი ზღუდავს დაშვებას მხოლოდ 25-ე პორტზე სპამის თავიდან აცილების, შემსყიდველისა და მიმწოდებლის ინფორმაციის/რესურსების დაცვისა და უსაფრთხოების მიზნით. აღნიშნული პორტის გახსნა შესაძლებელია შემსყიდველის წერილობითი მოთხოვნის საფუძველზე.

2.2 მომსახურებით სარგებლობის ძირითადი წესები.

2.2.1 ინტერნეტ-მომსახურებით სარგებლობისას აკრძალულია:

2.2.2 მომხმარებელთა უფლებების დაცვის რეგლამენტით განსაზღვრული არასასურველი ელექტრონული გზავნილების (Spam), დაუშვებელი პროდუქციის, კომპიუტერული ვირუსების, თაღლითური ან/და სხვა მავნე პროგრამების გავრცელება/გადამისამართება;

2.2.2 ტექნოლოგიურ კომპონენტებში (აგრეგატებში), პროგრამებში, მონაცემთა ბაზებში და ინტერნეტის სხვა კომპონენტებში არასანქცირებული შეღწევა;

2.2.3 მომსახურების სხვა მესამე პირებისათვის მიწოდება ნებისმიერი გზით, მათ შორის, მომსახურების პაკეტის გაყოფა ნებისმიერი სხვა მესამე პირისათვის.

2.2.4 მომსახურებით სარგებლობის დროს, შემსყიდველი ვალდებულია, გაითვალისწინოს ელექტრონული კომუნიკაციების შესახებ საქართველოს კანონმდებლობის ყველა მოთხოვნა, მათ შორის, საქართველოს კომუნიკაციების ეროვნული კომისიის დადგენილებებში ასახული არასრულწლოვნების მიერ ინტერნეტით გამოყენებასთან დაკავშირებული შეზღუდვები და სხვა.

2.2.5 შემსყიდველი ვალდებულია, მომსახურებით არასანქცირებული სარგებლობის აღმოჩენის შემთხვევაში, აღკვეთოს ასეთი სარგებლობა ან, აღკვეთის შეუძლებლობის შემთხვევაში, უმოკლეს ვადაში შეატყობინოს მიმწოდებელს მომსახურებით არასანქცირებული სარგებლობის შესახებ.

2.3 მომსახურების ხელმისაწვდომობა.

2.3.1 მიმწოდებელი ვალდებულია, უზრუნველყოს შეკვეთილი მომსახურების ხელმისაწვდომობა წლიური 99%-იანი მაჩვენებლით, რაც გულისხმობს ყოველი სრული საანგარიშო პერიოდის განმავლობაში მომსახურების ჯამში არაუმეტეს 8 საათიან საპატიო შეწყვეტას ან შეფერხებას (შემდგომში "საპატიო დრო"). მომსახურების შეწყვეტად ან შეფერხებად ითვლება ინტერნეტ კავშირის დარღვევის ყოველი ფაქტი, რომელიც დადასტურებულია გამოომ-გამსინჯავი მოწყობილობების საშუალებით, შემსყიდველის გამოკითხვით და, რომელიც ზღუდავს შემსყიდველისთვის მომსახურების მიღებას (შემდგომში "დაზიანება").

2.3.2 დაზიანების ხანგრძლივობა გამოითვლება შემსყიდველის მიერ მენეჯერისათვის დაზიანების შესახებ შეტყობინების გაგზავნისა და მენეჯერის მიერ მისი მიღების მომენტიდან დაზიანების აღმოფხვრის მომენტამდე. ამასთან, დაზიანების შესახებ შეტყობინების მიღება და დაზიანების აღმოფხვრა წარმოებს მხოლოდ სამუშაო საათებში და შაბათს (თუ შაბათი არ არის უქმე დღე), თბილისის დროით დილის 9-დან საღამოს 6 საათამდე.

2.3.3 დაზიანების შესახებ შეტყობინებას მენეჯერი სამუშაო საათებში იღებს ელექტრონული ფოსტის მეშვეობით ან სატელეფონო კავშირით, მენეჯერის მობილური ტელეფონის ან სამსახურის შიდა ნომრის მეშვეობით, ხოლო შაბათს - მხოლოდ მენეჯერის მობილური ტელეფონის მეშვეობით. ამასთან, ელექტრონული ფოსტის მეშვეობით გაგზავნილი შეტყობინება მენეჯერის მიერ მიღებულად ჩაითვლება მიღების დადასტურებისთანავე, ხოლო მიღების დადასტურების არარსებობის შემთხვევაში, გაგზავნიდან 1 საათის შემდეგ.

2.4 დაზიანებათა აღმოფხვრა. მიმწოდებლის პასუხისმგებლობის ფარგლები.

2.4.1 მიმწოდებელი ვალდებულია, აღმოფხვრას დაზიანება, რომლის შედეგად შემსყიდველს შეფერხებით ან საერთოდ არ მიეწოდება შეკვეთილი მომსახურება და რომლის აღმოფხვრის ვალდებულება, საქართველოს მოქმედი კანონმდებლობით, მათ შორის მომხმარებელთა უფლებების დაცვის რეგლამენტის შესაბამისად, ეკისრება მიმწოდებელს. მიმწოდებელი ვალდებულია, ასეთი დაზიანება აღმოფხვრას გონივრულ ვადაში, მაგრამ არაუგვიანეს მომხმარებელთა უფლებების დაცვის რეგლამენტის მე-18¹ მუხლის მიხედვით ასეთი დაზიანების აღმოფხვრისათვის განსაზღვრული ვადისა. კავშირის დაზიანების ის შემთხვევები, რომლებიც არ არის გათვალისწინებული ზემოაღნიშნული რეგლამენტით, უნდა აღმოფხვრას არა უგვიანეს 24 საათისა, თუ ეს არ არის გამოწვეული ფორსმაჟორული გარემოებებით ან/და ელექტრონული საკომუნიკაციო მომსახურების მიმწოდებელი სხვა კომპანიების ქსელის გაუმართაობით. დაზიანების ხანგრძლივობა, რაც გამოწვეულია 5.3 მუხლით განსაზღვრული შემთხვევებით არ გაითვალისწინება დაზიანებათა აღმოფხვრისათვის ამ პუნქტით დადგენილ ვადებში.

2.4.2 იმ შემთხვევაში, როდესაც დაზიანება სადემარკაციო წერტილიდან მიმწოდებლის მხარესაა, მიმწოდებელი ვალდებულია აღმოფხვრას დაზიანება უფასოდ, საკუთარი ხარჯებით. იმ შემთხვევაში, თუ დაზიანება სადემარკაციო წერტილიდან შემსყიდველის მხარეზეა, მიმწოდებელი ვალდებულია აცნობოს შემსყიდველს ამის შესახებ და შესთავაზოს მას დაზიანების აღმოფხვრა თანხის გადახდით, რომლის ოდენობაც განისაზღვრება ინდივიდუალურად, დაზიანებიდან გამომდინარე, დამატებითი ხელშეკრულების შესაბამისად.

2.4.3 მიმწოდებელი არ არის ვალდებული აღმოფხვრას დაზიანება, თუ:

ა) დაზიანება არის სადემარკაციო წერტილიდან შემსყიდველის მხარეს და იგი არ არის დაკავშირებული მომსახურების მიღებისათვის მოწყობილ ინფრასტრუქტურასთან (კაბელებისა და ინტერნეტ-მომსახურების აპარატურის ერთობლიობა);

ბ) დაზიანება გამოწვეულია შემსყიდველის კუთვნილი Wi-Fi აპარატურის გაუმართაობით/დაზიანებით/ტექნიკური წუნით;

გ) შემსყიდველი მიმწოდებლის წარმომადგენლებს არ უშვებს მომსახურების მიღების ფართზე დაზიანების აღმოსაფხვრელად.

2.4.4 დაზიანებად არ ითვლება ის შემთხვევა, როდესაც ინტერნეტ კავშირი შეწყდა სადემარკაციო წერტილიდან შემსყიდველის მხარეს ინტერნეტ-მომსახურების აპარატურისათვის ელექტროენერგიის მიწოდების შეწყვეტით.

2.4.5 ინტერნეტში ჩართული ან სხვა გზით დაკავშირებული მესამე პირის მიერ შემსყიდველისათვის რაიმე საქონლის ან მომსახურების მიყიდვისას მიმწოდებელი არ არის ანგარიშვალდებული ამ საქონლის ან მომსახურების ხარისხზე, ფასზე ან/და მესამე მხარის კეთილსინდისიერებაზე.

2.4.6 მიმწოდებელი ვალდებულია, ტექნოლოგიური შესაძლებლობებიდან გამომდინარე, დაიცვას სადემარკაციო წერტილიდან მიმწოდებლის მხარეს არსებული საკუთარი ინტერნეტ ქსელის ინტეგრაცია და შეუვალობა, არ დაუშვას ქსელებითა და საკომუნიკაციო საშუალებებით არასანქცირებული სარგებლობა. მიუხედავად ამისა, მხარეები ადასტურებენ, რომ ვირუსებისა და საფრთხის შემცველი ტექნოლოგიური საშუალებებისაგან შემსყიდველის სრულყოფილი დაცვა პრაქტიკულად შეუძლებელია, შესაბამისად, აღნიშნული მიზეზით შემსყიდველისათვის მიყენებულ რაიმე სახის ზიანზე პასუხისმგებლობა არ ეკისრება მიმწოდებელს, გარდა იმ შემთხვევებისა, როდესაც ასეთი ზიანი დადგა მიმწოდებლის მიერ ამ პუნქტით განსაზღვრული ვალდებულების დარღვევის შედეგად.

2.4.7 aDSL მომსახურების მიწოდების ტექნოლოგიური თავისებურებებიდან გამომდინარე (სატელეფონო ქსელის გამოყენება), aDSL მომსახურება და მისი ხარისხი დამოკიდებულია სხვა ელექტრონული საკომუნიკაციო მომსახურების მიმწოდებლების, მათ შორის საქალაქთაშორისო ან საერთაშორისო სატელეფონო მომსახურების ოპერატორების მოწყობილობების და მათი ფუნქციონირების ხარისხზე, რომელიც სცილდება მიმწოდებლის პასუხისმგებლობის ფარგლებს, შესაბამისად, მიმწოდებელი პასუხს არ აგებს შემსყიდველის წინაშე მომსახურების შეფერხებისათვის, როცა ასეთი შეფერხება გამოწვეულია ელექტრონული საკომუნიკაციო მომსახურების სხვა მიმწოდებლების ან/და სატელეფონო ქსელების უხარისხობის/გაუმართაობის მიზეზით.

მუხლი 3. მომსახურების გაწევის ვადები

3.1 მომსახურების გაწევის ვადაა 2015 წლის 1 თებერვლიდან 2015 წლის 1 აპრილამდე.

მუხლი 4. ხელშეკრულების ღირებულება

4.1 ხელშეკრულების ღირებულება შეადგენს 1500 (ერთი ათა ხუთასი) ლარს დღგ-ს ჩათვლით. ერთეულის მომსახურების ღირებულება განისაზღვრება წინამდებარე ხელშეკრულების დანართის №1-ის შესაბამისად.

მუხლი 5. ანგარიშსწორების ფორმა, გრაფიკი და ვადები

5.1 ანგარიშსწორება მოხდება წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ფაქტურად გაწეული მომსახურებისათვის გაფორმებული მიღება-ჩაბარების აქტის შესაბამისად, ეტაპობრივად, ყოველთვიურად, ყოველი თვის მომდევნო თვის 20 რიცხვამდე, წარმოდგენილი ანგარიშ-ფაქტურის საფუძველზე.

5.2 ანგარიშსწორების ვალუტა – ლარი

5.3 ანგარიშსწორების ფორმა – უნაღდო.

5.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

მუხლი 6. მხარეთა პასუხისმგებლობა

6.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

6.3 მიმწოდებლის მიერ მისი ვალდებულებების შეუსრულებლობის ან არასათანადოდ შესრულების შემთხვევაში მას ეკისრება პირგასამტეხლო შეუსრულებელი ვალდებულების ღირებულების 0,2% ოდენობით ყოველ ვადაგადაცილებულ დღეზე.

6.4 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

6.5 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

6.6 თუ შემსყიდველი მიიღებს ასეთ გადაწყვეტილებას ვალდებულია შეატყობინოს მიმწოდებელს მიღებული გადაწყვეტილება, კანონმდებლობით დადგენილი წესით.

6.7 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

მუხლი 7. ხარისხი

7.1 მიმწოდებელი პასუხს აგებს გაწეული მომსახურების ხარისხზე.

მუხლი 8. მომსახურების გაწევის მიღება-ჩაბარების წესი

8.1 მომსახურების მიღება-ჩაბარება

8.1.1 მომსახურების გაწევა დასტურდება შემსყიდველს და მიმწოდებელს შორის მიღება-ჩაბარების აქტის გაფორმებით.

8.1.2 შემსყიდველი უფლებამოსილია განაცხადოს უარი დაგვიანებით ან უხარისხოდ (წყუნებული) გაწეულ მომსახურებაზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

8.1.3 მომსახურების გაწევის ხელშეკრულების პირობებთან შესაბამისობის დადგენას და მიღება-ჩაბარებას უზრუნველყოფს საქართველოს კულტურისა და ძეგლთა დაცვის სამინისტროს ადმინისტრაციული დეპარტამენტის დირექტორი გიორგი მიჩიტაშვილი.

8.2 აპარატურის მიღება-ჩაბარება

8.2.1 მხარეთა შორის გაფორმებული მიღება-ჩაბარების აქტი ადასტურებს შეკვეთილი მომსახურების ინსტალაციასა და ინტერნეტ-მომსახურების აპარატურის შემსყიდველისთვის დროებით სარგებლობაში გადაცემის ფაქტს. მხარეები ადასტურებენ, რომ მიღება-ჩაბარების აქტის ხელმოწერი პირები არიან მხარეთა უფლებამოსილი წარმომადგენლები, რომლებიც უშუალოდ ახორციელებენ ინტერნეტ-მომსახურების აპარატურის მიღება-ჩაბარებას.

8.2.2 შემსყიდველი ვალდებულია, მოუფრთხილდეს მიმწოდებლის მიერ მისთვის დროებით სარგებლობაში გადაცემულ ინტერნეტ-მომსახურების აპარატურას, როგორც საკუთარს. შემსყიდველს ეკრძალება ინტერნეტ-მომსახურების აპარატურის ნებისმიერი სახითა თუ ფორმით მოდიფიცირება, მათ შორის საგარანტიო ლუქის (საგარანტიო ლუქის არსებობის შემთხვევაში) მოხსნა, მოწყობილობებისა თუ პროგრამული უზრუნველყოფის ნებისმიერი სახის ცვლილება, მიუხედავად იმისა, იწვევს თუ არა ლუქის მოხსნა, ან ცვლილება ინტერნეტ-მომსახურების აპარატურის დაზიანებას.

8.2.3 შემსყიდველი ვალდებულია, შეკვეთილი მომსახურების ნებისმიერი მიზეზით შეწყვეტის შემდეგ, მიმწოდებლის წერილობითი მოთხოვნიდან 10 სამუშაო დღის ვადაში, მიმწოდებელთან შეთანხმებით, დაუშვას მიმწოდებლის წარმომადგენლები მომსახურების მიღების ფართზე და შეუქმნას მათ შეწვეტილი მომსახურების აპარატურის დემონტაჟისათვის საჭირო პირობები.

მუხლი 9. მხარეთა უფლება-ვალდებულებები

9.1 მიმწოდებელი ვალდებულია:

- ა) გაუწიოს შემსყიდველს ამ ხელშეკრულების მე-2 მუხლში მითითებული მომსახურება.
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე;

9.2 შემსყიდველი ვალდებულია:

- ა) დროულად აცნობოს მიმწოდებელს გაწეულ მომსახურებასთან დაკავშირებული ხარვეზების შესახებ;
- ბ) გადაიხადოს ხელშეკრულების ღირებულება.

მუხლი 10. ფორს-მაჟორი

10.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელისა და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 11. ხელშეკრულების დადების საფუძველი

11.1 ხელშეკრულების დადების საფუძველი არის „სახელმწიფო შესყიდვების შესახებ“ საქართველოს კანონის კანონის მე-10¹ მუხლის მე-3 პუნქტის „დ“ ქვეპუნქტი.

მუხლი 12. ხელშეკრულების მოქმედების ვადა.

12.1 წინამდებარე ხელშეკრულება ძალაში შედის 2015 წლის 1 თებერვალს და მოქმედებს მხარეთა მიერ ამ ხელშეკრულებიდან წარმოშობილ ვალდებულებების სრულად შესრულებამდე, მაგრამ არაუმეტეს 2015 წლის 1 მაისის ჩათვლით.

მუხლი 13. სხვა პირობები

13.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

13.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

13.3 მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

13.4 ხელშეკრულება შედგენილია ქართულ ენაზე სამ ეგზემპლარად, რომელთაგან ორი გადაეცემა შემსყიდველს და ერთი მიმწოდებელს და თითოეულს გააჩნია თანაბარი იურიდიული ძალა.

მხარეთა რეკვიზიტები:

შემსყიდველი:

საქართველოს კულტურისა და ძეგლთა დაცვის სამინისტრო

საიდ.კოდი: 203851126

მის: თბილისი, სანაპიროს ქ. №4

სახელმწიფო ხაზინა

კოდი: 220101222

მინისტრის მოადგილე

გიორგი ბაქრაძე



მიმწოდებელი:

შპს „კავკასუს ონლაინი“

ს/კ 211380833

სს „თიბისი ბანკი“

ბანკის კოდი: TBCBGE22

ა/ა GE21TB1189136020100008

კომერციული დეპარტამენტის უფროსი

სოფო კიზირია

211380833

Commercial Department
Caucasus Online LLC

ხელწერილი ინტერესთა კონფლიქტის
არარსებობის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის თანახმად, საქართველოს კულტურისა და ძეგლთა დაცვის სამინისტროს მიერ გაფორმებულ №შ-სს ხელშეკრულებასთან დაკავშირებით არ ვიმყოფებით ინტერესთა კონფლიქტში.

გავეცანით წინამდებარე ხელშეკრულებას და შენიშვნები არ გავვაჩნია.

გ. ბაქრაძე 

ზ. მიმინოშვილი



გ. მიჩიტაშვილი



ნ. რაზმაძე




ი. დარბუაშვილი



ე. ციხისელი



ვ. მიქანაძე



30 დეკემბერი 2014 წელი

1. **მხარეები:** ერთი მხრივ, შპს "კავკასიუს ონლაინი" (შემდგომში "შემყიდველი") - ს/კ 211380833, იურიდიული მისამართი: ვაჟა-ფშაველას გამზირი #71, 0186, თბილისი, საქართველო და მეორეს მხრივ, საქართველოს კულტურისა და ძეგლთა დაცვის სამინისტრო (შემდგომში "შემყიდველი") - ს/კ 203851126, იურიდიული მისამართი: სანაპიროს ქ#4.

2. წინამდებარე შეკვეთის ფორმა წარმოადგენს მხარეთა შორის 30 დეკემბერს გაფორმებული "ინტერნეტ-მომსახურების მიწოდების ხელშეკრულების" (შემდგომში "ხელშეკრულება") დანართს. დამკვეთის მიერ შეკვეთილი ინტერნეტ-მომსახურების ძირითადი მახასიათებლები და ფინანსური პირობები მოცემულია ცხილში:

ატრეფი ატრეფი	ფტრეფი ფტრეფი	ატრეფი ატრეფი	ატრეფი ატრეფი	:მეფი ფტრეფი		IP მისმართი	ატრეფი ატრეფი	
				ლოკალი	გლობალი		ოდენობა (GEL)	გადახდის პირობა
2888590	Caucasus Link ინტერნეტი	ქ. თბილისი, სანაპიროს ქ. №4	2015 წლის 1 იანვარი	100 მეგაბიტ/წმ	10 მეგაბიტ/წმ	16 რეალური სტატიკური IP მისმართი	750 ლარი	შემდგომი გადახდა

3. ცხრილში მოცემული ზოგერთი პირობის განმარტება:

- 3.1. დღეებით გამოხატული ინსტალაციის გადა წარმოადგენს სამუშაო დღეების (ორშაბათიდან პარაკევის ჩათვლით) რაოდენობას, რომელიც აითვლება წინამდებარე შეკვეთის ფორმის გაფორმების მეორე დღიდან; შესრულებული უფლებამოსილია, განახორციელოს ინსტალაცია ინსტალაციის თარიღის დადგომამდე წესისმიერ დროს. ინსტალაციის განხორციელების ფაქტს ადასტურებს მხარეთა შორის გაფორმებული მოდება-ჩაბარების აქტი;
- 3.2. ინსტალაციის ერთჯერადი ღირებულებების (ასეთის არსებობის შემთხვევაში) გადახდა ხდება შეკვეთილი მომსახურების პირველი თვის საფასურის გადახდასთან ერთად ყოველთვიური საფასურისათვის განსაზღვრული გადახდის პირობის შესაბამისად;
- 3.3. თუ ცხრილში გადახდის პირობად მითითებულია "წინასწარი გადახდა", ეს გულისხმობს შემდეგს: შეკვეთილი მომსახურების პირველი თვის საფასურის გადახდა უნდა მოხდეს შეკვეთილი მომსახურების ინსტალაციიდან, მოდება-ჩაბარების აქტის გაფორმებიდან, 1 სამუშაო დღის ვადაში. ამასთან, პირველი თვის საფასურის ოდენობა განისაზღვრება ინსტალაციის დღიდან მიმდინარე კალენდარული თვის ბოლომდე დარჩენილი დღეების პროპორციულად. ყოველი შემდგომი თვის საფასურის გადახდა უნდა მოხდეს არაუგვიანეს მომდევნო კალენდარული თვის პირველი რიცხვისა, ხოლო თუ მომდევნო კალენდარული თვის პირველი რიცხვი ემთხვევა არასამუშაო/დასვენების დღეს, მაშინ არაუგვიანეს მომდევნო სამუშაო დღის 17:00 საათამდე;
- 3.4. თუ ცხრილში გადახდის პირობად მითითებულია "შემდგომი გადახდა", ეს გულისხმობს შემდეგს: შეკვეთილი მომსახურების ყოველთვიური საფასურის გადახდა უნდა მოხდეს ყოველი შემდგომი კალენდარული თვის არაუგვიანეს 20 რიცხვისა, ხოლო თუ ეს თარიღი ემთხვევა არასამუშაო/დასვენების დღეს, მაშინ არაუგვიანეს მომდევნო სამუშაო დღის 17:00 საათამდე;

3.5. ცხრილში აღნიშნული ყველა თანხა მოიცავს დღგ-ს.

4. ანგარიშსწორება ხორციელდება უნაღდო ანგარიშსწორების გზით, შემსრულებლის შემდეგი საბანკო რეკვიზიტების მეშვეობით:

მიმღები: შპს "კავკასუს ონლაინ", ს/კ 211380833

მიმსახურე ბანკი: სს თიბისი ბანკი;

ბანკის კოდი: TBCBGE22

ანგარიშის N: GE21TB1189136020100008

5. ხელშეკრულებით განსაზღვრული შეტყობინებები იგზავნება მხარეთა შემდეგი საკონტაქტო ინფორმაციის შესაბამისად:
დამკვეთის საკონტაქტო ინფორმაცია:

საკონტაქტო პირი	სანდრო სულაკაძე
საკონტაქტო ინფორმაცია:	
E-mail:	nivanishvili@culture.gov.ge
Mob.:	595580890
Tel.:	2989613
მისამართი:	თბილისი, სანაპიროს ქ. #4

მერქვერის საკონტაქტო ინფორმაცია:

საკონტაქტო პირი	ნათია ჩიხლაძე
საკონტაქტო ინფორმაცია:	
E-mail:	n.chikhladze@co.ge
Mob.:	(+995 577) 208484
Tel.:	(+995 32) 2480154
მისამართი:	ქ. თბილისი, ვაჟა-ფშაველას გამზ. №71

თუ იცვლება დამკვეთის ან მერქვერის საკონტაქტო ინფორმაცია, მხარე ვალდებულია მეორე მხარეს აცნობოს ცვლილების შესახებ ელექტრონული ფოსტის მეშვეობით ცვლილებამდე 3 სამუშაო დღით ადრე.

6. ამ შეკვეთის ფორმაში ნახსენებ ტერმინებს აქვთ ხელშეკრულებით განსაზღვრული მნიშვნელობა.

მხარეთა ხელმოწერები:

შემსყიდველი: საქართველოს კულტურისა და ძეგლთა დაცვის სამინისტრო მინისტრის მოადგილე გიორგი დაცვაძე 	მიმწოდებელი: შპს "კავკასუს ონლაინ" 211380833 კომერციული დეპარტამენტის უფროსი სოფო კიზირია Commercial Department Caucasus Online LLC
--	--